

宋本十三經註疏

附校勘記

周禮注疏附
校勘記

丁仁煒署檢



光緒甲辰季秋影阮
氏文選樓原刻本遵
殿本重校附校勘記
點石齋印書局發行

欽定四庫全書總目周禮注疏四十二卷

漢鄭元注唐賈公彥疏元有易注已著錄公彥洛州永年人永徽中官至太學博士事蹟具舊

唐書儒學傳周禮一書上自河間獻王於諸經之中其出最晚其真偽亦紛如聚訟不可縷舉

惟橫渠語錄曰周禮是的當之書然其間必有末世增入者鄭樵通志引孫處之言曰周公居

攝六年之後書成歸豐而實未嘗行蓋周公之爲周禮亦猶唐之顯慶開元禮預爲之以待他

日之用其實未嘗行也惟其未經行故僅述大畧俟其臨事而損益之故建都之制不與召誥

洛誥合封國之制不與武成孟子合設官之制不與周官合九畿之制不與禹貢合云云

案此云惟召誥洛誥孟子與武成相外與至禹貢乃唐虞之制武成周官乃穆王以前之制

未盡也夫周禮作於周初而周事之可考者不過春秋以後其東遷以前三百餘年官制之沿革

革政典之損益除舊布新不知凡幾其初去成康未遠不過因其舊章稍爲改易而改易之人

不皆周公也於是以後世之法竄入之其書遂雜其後去之愈遠時移世變不可行者漸多其

書遂廢此亦如後世律令條格率數十年而一脩脩則必有所附益特世近者可考年遠者無

徵其增刪之迹遂靡所稽統以爲周公之舊耳迨乎法制既更簡編猶在好古者畱爲文獻故

其書閱久而仍存此又如開元六典政和五禮在當代已不行用而今日尚有傳本不足異也

使其作僞何不全僞六官而必闕其一至以千金購之不得哉且作僞者必剽取舊文借真者

以實其贗古文尙書是也劉歆宗左傳而左傳所云禮經皆不見於周禮儀禮十七篇皆在七

略所載古經七十篇中禮記四十九篇亦在劉向所錄二百十四篇中而儀禮聘禮實行饗饋

之物禾米芻薪之數邊豆簠簋之實餼壺鼎饗之列與掌客之文不同又大射禮天子諸侯侯

數侯制與司射之文不同禮記雜記載子男執圭與典瑞之文不同禮器天子諸侯席數與司

几筵之文不同如斯之類與二禮多相矛盾歆果贗託周公爲此書又何難牽就其文使與經

傳相合以相證驗而必留此異同以啟後人之攻擊然則周禮一書不盡原文而非出依託可概睹矣考工記稱鄭之刀又稱秦無廬鄭封於宣王時秦封於孝王時其非周公之舊典已無疑義南齊書稱文惠太子鎮雍州有盜發楚王冢獲竹簡書青絲編簡廣數分丈二尺有奇得十餘簡以示王僧虔僧虔曰是科斗書考工記則其爲秦以前書亦灼然可知雖不足以當冬官然百工爲九經之一其工爲九官之一先王原以制器爲大事存之尙稍見古制俞庭樞以下紛紛割裂五官均無知妄作耳鄭注隋志作十二卷賈疏文繁乃析爲五十卷新舊唐志竝同今本四十二卷不知何人所併元於三禮之學本爲專門故所釋特精惟好引緯書是其一短歐陽脩集有請校正五經劄子欲刪削其書然緯書不盡可據亦非盡不可據在審別其是非而已不必鼠易古書也又好改經字亦其一失然所注但曰當作某耳尙不似北宋以後連篇累牘動稱錯簡則亦不必苛責於元矣公彥之疏亦極博核足以發揮鄭學朱子語錄稱五經疏中周禮疏最好蓋宋儒惟朱子深於禮故能知漢賈之善云

周禮注疏校勘記序

阮元撰盧宣旬敬錄

有杜子春之周禮有二鄭之周禮有後鄭之周禮周禮出山巖屋壁間竊歎始知爲周公之書而讀之其徒杜子春乃能略識其字建武以後大中大夫鄭興大司農鄭眾皆以周禮解詁著而大司農鄭康成乃集諸儒之成爲周禮注蓋經文古字不可讀故四家之學皆主於正字其云故書者謂初獻於祕府所藏之本也其民間傳寫不同者則爲今書有云讀如者比擬其音也有云讀爲者就其音以易其字也有云當爲者定其字之誤也三例既定而大義乃可言矣說皆在後鄭之注唐賈公彥等作疏發揮殊未得其旨舉元於此經舊有校本且合經注疏讀之時闕見其一二因遍按經注疏之謬字更屬武進監生賊庸蒐校各本併及陸氏釋文元復定其是非凡言周制言漢學者容有藉於此其目錄列於左方

阮元記

引據各本目錄

單經本

唐石經周禮十二卷

每官分下篇歸脚起爲天官下載師起爲地官下大司樂起爲春官下司土起爲夏官下甸惠起爲秋官下玉人起爲冬官下

石經考文提要周禮一卷

經注本

經典釋文周禮音義二卷

錢孫保所藏宋本周禮注十二卷

宋槧小字本附載音義春官夏官冬官余仁仲本天地二官別一宋本秋官以俗本抄補非佳者藏書雖宋刻大本秋官二卷校補

嘉靖本周禮注十二卷

分卷及款式悉與唐石經同每頁十六行每行十七字卷一末記經四千二百五十九字注八千四百一十個字卷四經四千五百一十八字注一萬二千三百五十七字卷三經五千五百五十六字注八千四百一十個字卷四經四千五百一十八字注一萬二千三百五十七字卷三經五千五百五十六字注八千四百一十個字

六經四千五百五十四字注一萬七千九百九十一字卷七經三千六百一十五字注七千四百三十二字卷八經三千五百二十八字注七千三百八十三字卷九經四千二百六十二字注七千五百一十五字卷十經三千五百七十四字注七千二百四十四字按此不附音義而鵬於宋槧余氏岳氏等本當是後北宋所傳古本也

注疏本

惠校本周禮注疏四十二卷 盧文弨曰東吳惠士奇盤子韓以宋注疏本校疏以余氏萬卷堂本較經注音義書於毛氏

朝禮經注較周禮卷共十二卷卷一之末記肆附貳伯伍拾陸字注疏本較疏以余氏萬卷堂本較經注音義書於毛氏

千萬卷堂卷二經參附陸伯貳拾捌字注疏本較疏以余氏萬卷堂本較經注音義書於毛氏

伍字注疏附陸伯貳拾捌字注疏本較疏以余氏萬卷堂本較經注音義書於毛氏

貳字注疏附陸伯貳拾捌字注疏本較疏以余氏萬卷堂本較經注音義書於毛氏

肆字注疏附陸伯貳拾捌字注疏本較疏以余氏萬卷堂本較經注音義書於毛氏

伍字注疏附陸伯貳拾捌字注疏本較疏以余氏萬卷堂本較經注音義書於毛氏

陸字注疏附陸伯貳拾捌字注疏本較疏以余氏萬卷堂本較經注音義書於毛氏

柒字注疏附陸伯貳拾捌字注疏本較疏以余氏萬卷堂本較經注音義書於毛氏

捌字注疏附陸伯貳拾捌字注疏本較疏以余氏萬卷堂本較經注音義書於毛氏

玖字注疏附陸伯貳拾捌字注疏本較疏以余氏萬卷堂本較經注音義書於毛氏

拾字注疏附陸伯貳拾捌字注疏本較疏以余氏萬卷堂本較經注音義書於毛氏

陸字注疏附陸伯貳拾捌字注疏本較疏以余氏萬卷堂本較經注音義書於毛氏

柒字注疏附陸伯貳拾捌字注疏本較疏以余氏萬卷堂本較經注音義書於毛氏

捌字注疏附陸伯貳拾捌字注疏本較疏以余氏萬卷堂本較經注音義書於毛氏

玖字注疏附陸伯貳拾捌字注疏本較疏以余氏萬卷堂本較經注音義書於毛氏

拾字注疏附陸伯貳拾捌字注疏本較疏以余氏萬卷堂本較經注音義書於毛氏

陸字注疏附陸伯貳拾捌字注疏本較疏以余氏萬卷堂本較經注音義書於毛氏

柒字注疏附陸伯貳拾捌字注疏本較疏以余氏萬卷堂本較經注音義書於毛氏


捌字注疏附陸伯貳拾捌字注疏本較疏以余氏萬卷堂本較經注音義書於毛氏

唐朝散大夫行大學博士弘文學士臣賈公彥等奉勅撰

夫天育蒸民無主則亂立君治亂事資賢輔但天皇地皇之日無事安民降自燧皇方有臣矣是以易通卦驗云天地成位君臣道生君有五期輔有三名注云三名公卿大夫又云燧皇始出握機矩表計真其刻日蒼牙通靈昌之成孔演命明道經注云拒燧皇謂人皇在伏羲前風姓始王天下者斗機云所謂人皇九頭兄弟九人別長九州者也是政教君臣起自人皇之世至伏羲因之故文耀鉤云伏羲作易名官者也又案論語撰考云黃帝受地形象天文以制官伏羲已前雖有三名未必具立官位至黃帝名位乃具是以春秋緯命麻序云有九頭紀時有臣無官位尊卑之別燧皇伏羲既有官則其間九皇六十四民有官明矣但無文字以知其官號也案左傳昭十七年云秋郊子來朝公與之宴昭子問焉曰少皞氏鳥名官何故也杜氏注云少皞金天氏黃帝之子己姓之祖也郊子曰吾祖也我知之昔者黃帝氏以雲紀故爲雲師而雲名注云黃帝軒轅氏姬姓之祖也黃帝受命有雲瑞故以雲紀事百官師長皆以雲爲名號稽雲氏蓋其一官也炎帝氏以火紀故爲火師而火名注云炎帝神農氏姜姓之祖也亦有火瑞以火紀事名百官也共工氏以水紀故爲水師而水名注云共工以諸侯霸有九州者在神農前大皞後亦受水瑞以水名官也大皞氏以龍紀故爲龍師而龍名注云大皞伏羲氏風姓之祖也有龍瑞故以龍命名官也我高祖少皞摯之立也鳳鳥適至故紀於鳥爲鳥師而鳥名又云鳳鳥氏歷正之類又以五鳥五鳩九扈五雉並爲官長亦皆有屬官但無文以言之若然則自上以來所云官者皆是官長故皆云師以目之又云自顓頊以來不能紀遠乃紀於近是以少皞以前天下之號象其德百官之號象其徵顓頊以來天下之號因其地百官之號因其事事即司徒司馬之類是也若然前少皞氏言祝鳩氏爲司徒者本名祝鳩言司徒者以後代官況之自少皞以上官數略如上說顓頊及堯官數雖無明說可略而言之矣案昭二十九年魏獻子曰社稷五祀誰氏之五官蔡墨對曰少皞氏有四叔曰重曰該曰脩曰熙實能金木及

水使重爲句芒該爲尊收脩及熙爲玄冥世不失職遂濟窮桑此其三祀也注云窮桑帝少暉之號也顓
頊氏有子曰犂爲祝融共工氏有子曰句龍爲后土此其二祀也后土爲社稷田正也有烈山氏之子曰
柱爲稷自夏以上祀之周棄亦爲稷自商以來祀之故外傳犂爲高辛氏之火正此皆顓頊時之官也案
鄭語云重犂爲高辛氏火正故堯典注高辛氏之世命重爲南正司天犂爲火正司地以高辛與顓頊相
繼無隔故重犂事顓頊又事高辛若稷契與禹事堯又事舜是以昭十七年服虔注顓頊之下云春官爲木
正夏官爲火正秋官爲金正冬官爲水正中官爲土正高辛氏因之故傳云遂濟窮桑窮桑顓頊所居是
度顓頊至高辛也若然高辛時之官唯有重犂及春之木正之等不見更有餘官也至於堯舜官號稍改
楚語云堯復育重犂之後重犂之後卽義和也是以堯典云乃命羲和注云高辛之世命重爲南正司天
犂爲火正司地堯育重犂之後羲和氏之子賢者使掌舊職天地之官亦紀於近命以民事其時官名
蓋曰稷司徒是天官稷也地官司徒也又云分命羲仲申命羲叔分命和仲申命和叔使分主四方注仲
叔亦羲和之子堯旣分陰陽四時又命四子爲之官掌四時者字曰仲叔則掌天地者其曰伯乎是有六
官案下驩兜曰共工注共工水官也至下舜求百揆禹讓稷契暨咎繇帝曰棄黎民阻饑汝后稷播時百
穀注稷棄也初堯天官爲稷又云帝曰契百姓不親汝作司徒又云帝曰咎繇汝作士此三官是堯時事
舜因禹讓述其前功下文云舜命伯夷爲秩宗舜時官也以先後參之唯無夏官之名以餘官約之夏傳
云司馬在前又後代況之則義叔爲夏官是司馬也故分命仲叔注云官名蓋春爲秩宗夏爲司馬秋爲
士冬爲共工通稷與司徒是六官之名見也鄭玄分陰陽爲四時者非謂時無四時官始分陰陽爲四時
但分高辛時重黎之天地官使兼主四時耳而云仲叔故云掌天地者其曰伯乎若然堯典云伯禹作司
空四時官不敷之者鄭云初堯冬官爲共工舜舉禹治水堯知其有聖德必成功故改命司空以官名寵
異之非常官也至禹登百揆之任捨司空之職爲共工與虞故曰垂作共工益作朕虞是也案堯典又云
帝曰疇咨若時登庸鄭注云堯末時義和之子皆死庶績多闕而官廢當此之時驩兜共工更相薦舉下

又云帝曰四岳湯洪水有能俾乂鄭云四岳四時之官主四岳之事始羲和之時主四岳者謂之四伯至其死分岳事置八伯皆王官其八伯唯驩兜共工放齊骺四人而已其餘四人無文可知案周官云唐虞稽古建官惟百內有百揆四岳則四岳之外更有百揆之官者但堯初天官爲稷至堯試舜天官之任謂之百揆舜卽眞之後命禹爲之卽天官也案尙書傳云惟元祀巡狩四岳八伯注云舜格文祖之年堯始以羲和爲六卿春夏秋冬者并掌方岳之事是爲四岳出則爲伯其後稍死驩兜共工求代乃置八伯元祀者除堯喪舜卽眞之年九州言八伯者據畿外八州鄭云畿內不置伯鄉遂之吏主之案明堂位云有虞氏官五十夏后氏官百殷二百周三百鄭注云有虞氏官蓋六十夏百二十殷二百四十周三百六十不得如此記也晉義云三公九卿二十七大夫八十一元士鄭云蓋夏制依此差限故不從記文但虞官六十唐則未聞堯舜道同或皆六十并屬官言之則皆有百故成王周官云唐虞建官惟百也若然自高陽已前官名略言於上至於帝嚳官號略依高陽不可具悉其唐虞之官惟四岳百揆與六卿又堯典有典樂納言之職至於餘官未聞其號夏官百有二十公卿大夫元士具列其數殷官二百四十雖未具顯案下曲禮云六大五官六府六工之等鄭皆云殷法至於屬官之號亦蔑云焉案晉義云三公九卿者六卿并三孤而言九其三公又下兼六卿故書傳云司徒公司馬公司司空公各兼二卿案顧命太保領冢宰畢公領司馬毛公領司空別有芮伯爲司徒彤伯爲宗伯衛侯爲司寇則周時三公各兼一卿之職與古異矣但周監二代郁郁乎文所以象天立官而官益備此卽官號沿革粗而言也



序周禮廢興

周公制禮之日禮教興行後至幽王禮儀紛亂故孔子云諸侯專行征伐十世希不失鄭注云亦謂幽王之後也故晉侯趙簡子見儀皆謂之禮孟僖子又不識其儀也至於孔子更脩而定之時已不具故儀禮注云後世衰微幽厲尤甚禮樂之書稍稍廢棄孔子曰吾自衛反於魯然後樂正雅頌各得其所謂當時在者而復重雜亂者也惡能存其亡者乎至孔子卒後復更散亂故藝文志云昔仲尼沒微言絕七十二弟子喪而大義乖諸子之書紛然散亂至秦患之乃燔滅文章以愚黔首又云禮經三百威儀三千及周之衰諸侯將踰法度惡其周亡滅去其籍自孔子時而不具至秦大壞漢興至高堂生博士傳十七篇孝宣世后倉最明禮戴德戴聖慶普皆其弟子三家立于學官案儒林傳漢興高堂生傳禮十七篇而魯徐生善爲容孝文時徐生以容爲禮官大夫而瑕丘蕭奮以禮至淮陽太守孟卿東海人也事蕭奮以授后倉后倉說禮數萬言號曰后氏曲臺記授戴德戴聖鄭云五傳弟子則高堂生蕭奮孟卿后倉戴德戴聖是爲五也此所傳者謂十七篇即儀禮也周官孝武之時始出秘而不傳周禮後出者以其始皇特惡之故也是以馬融傳云秦自孝公已下用商君之法其政酷烈與周官相反故始皇禁挾書特疾惡欲絕滅之搜求焚燒之獨悉是以隱藏百年孝武帝始除挾書之律開獻書之路既出於山巖屋壁復入于秘府五家之儒莫得見焉至孝成皇帝達才通人劉向子歆校理秘書始得列序著于錄略然亡其冬官一篇以考工記足之時眾儒並出共排以爲非是唯歆獨識其年尚幼務在廣覽博觀又多銳精于春秋末年乃知其周公致太平之迹迹具在斯奈遭天下倉卒兵革並起疾疫喪荒弟子死喪徒有里人河南緱氏杜子春尚在承平之初年且九十家于南山能通其讀頗識其說鄭眾賈逵往受業焉眾逵洪雅博聞又以經書記轉相證明爲解達解行於世眾解不行兼攬二家爲備多所遺闕然眾時所解說近得其實獨以書序言成王既黜殷命還歸在豐作周官則此周官也失之矣逵以爲六鄉大夫則冢宰以下及六遂爲十五萬家紂千里之地甚謬焉此比多多吾甚閔之久矣六鄉之人實居四同地故云紂千里之地者

誤矣又六卿大夫冢宰以下所非者不著又云多多者如此解不著者多又云至六十爲武都守郡少
事乃述平生之志著易尚書詩禮傳皆訖惟念前業未畢者唯周官年六十有六目瞑意倦自力補之謂
之周官傳也案藝文志云成帝時以書頗散亡使謁者陳農求遺書于天下詔光祿大夫劉向校書經傳
諸子詩賦向輒條其篇目撮其指意錄而奏之會向卒哀帝復使向子歆卒父業歆於是摠羣書奏其七
略故有六藝七略之屬歆之錄在於哀帝之時不審馬融何云至孝成皇帝命劉向子歆考理祕書始得
列序著於錄略者成帝之時蓋劉向父子並被帝命至向卒哀帝命歆卒父所脩者故今文乖理則是也
故鄭玄序云卅祖以來通人達士大中大夫鄭少贛名興及子大司農仲師名舉故議郎衛次仲侍中賈
君景伯南郡太守馬季長皆作周禮解詁又云玄竊觀二三君子之文章顧省竹帛之浮辭其所變易灼
然如晦之見明其所彌縫奄然如合符復析斯可謂雅達廣覽者也然猶有參錯同事相違則就其原文
字之聲類考訓詁据祕逸謂二鄭者同宗之大儒明理于典籍捫識皇祖大經周官之義存古字發疑正
讀亦信多善徒寡且約用不顯傳于世今讀而辨之庶成此家世所訓也。其名周禮爲尚書周官者周
天子之官也書序曰成王既黜殷命滅淮夷還歸在豐作周官是言蓋失之矣案尚書盤庚康誥說命泰
誓之屬三篇序皆云某作若干篇今多者不過三千言又書之所作據時事爲辭君臣相誥命之語作周
官之時周公又作立政上下之別正有一篇周禮乃六篇文異數萬終始辭句非書之類難以屬之時有
若茲焉得從諸又云斯道也文武所以綱紀周國君臨天下周公定之致隆平龍鳳之瑞然則周禮起於
成帝劉歆而成于鄭玄附離之者大半故林孝存以爲武帝知周官末卅瀆亂不驗之書故作十論七難
以排棄之何休亦以爲六國陰謀之書唯有鄭玄徧覽羣經知周禮者乃周公致大平之迹故能答林頊
之論難使周禮義得條通故鄭氏傳曰玄以爲括囊大典網羅眾家是以周禮大行後王之法易曰神而
化之存乎其人此之謂也

[illegible]

